



Comhairle an
Aontais Eorpaigh

An Bhruiséil, 16 Meán Fómhair 2022
(OR. en)

**Comhad Idirinstiúideach:
2022/0272(COD)**

12429/22
ADD 1

CYBER 298
JAI 1181
DATAPROTECT 254
TELECOM 369
MI 665
CSC 388
CSCI 133
CODEC 1310
IA 133

NÓTA CLÚDAIGH

ó:	Ardrúnaí an Choimisiúin Eorpaigh, arna s(h)íniú ag Martine DEPREZ, Stiúrthóir
dáta a fuarthas:	15 Meán Fómhair 2022
chuig:	Thérèse Blanchet, Ardrúnaí Chomhairle an Aontais Eorpaigh
Uimh. an doic. ón gCoim.:	COM(2022) 454 final - Iarscríbhinní
Ábhar:	IARSCRÍBHINNÍ a ghabhann leis AN TOGRA LE hAGHAIDH RIALACHÁN Ó PHARLAIMINT NA hEORPA AGUS ÓN gCOMHAIRLE maidir le ceanglais chothrománacha chibearshlánda le haghaidh táirgí a bhfuil eilimintí digiteacha acu agus lena leasaítear Rialachán (AE) 2019/1020

Gheobhaidh na toscaireachtaí i gceangal leis seo doiciméad COM(2022) 454 final - Iarscríbhinní.

Faoi iamh: COM(2022) 454 final - Iarscríbhinní



AN COIMISIÚN
EORPACH

An Bhruiséil, 15.9.2022
COM(2022) 454 final

ANNEXES 1 to 6

IARSCRÍBHINNÍ

a ghabhann leis an

**Togra le haghaidh Rialachán ó Pharlaimint na hEorpa agus ón gComhairle
maidir le ceanglais chothrománacha chibearshlándála le haghaidh táirgí a bhfuil
eilimintí digiteacha acu agus lena leasaítear Rialachán (AE) 2019/1020**

{SEC(2022) 321 final} - {SWD(2022) 282 final} - {SWD(2022) 283 final}

IARSCRÍBHINN I

BUNCHEANGLAIS CHIBEARSHLÁNDÁLA

1. CEANGLAIS SLÁNDÁLA A BHAINNEANN LE HAIRÍONNA TÁIRGÍ AG A BHFUIL EILIMINTÍ DIGITEACHA

- (1) Déanfar táirgí ag a bhfuil eilimintí digiteacha a dhearadh, a fhorbairt agus a tháirgeadh ar bhealach chun leibhéal iomchuí cibearshlándála a áirithiú bunaithe ar na rioscaí;
- (2) Cuirfear táirgí ag a bhfuil eilimintí digiteacha ar fáil gan aon leochaileacht insaothraithe aitheanta a bheith ann;
- (3) Ar bhonn an mheasúnaithe riosca dá dtagraítear in Airteagal 10(2) agus i gcás inarb infheidhme, déanfar an méid seo a leanas i gcás táirgí ag a bhfuil eilimintí digiteacha:
 - (a) cuirfear na táirgí ar fáil agus cumraíocht shlán de réir réamhshocraithe i bhfeidhm orthu lena n-áirítear an fhéidearthacht an táirge a athshocrú chuig a riocht bhunaidh;
 - (b) áiritheofar cosaint ar rochtain neamhúdaráithe trí bhíthin sásraí iomchuí rialaithe, lena n-áirítear córais bainistíochta fíordheimhniúcháin, céannachta nó rochtana ach gan a bheith teoranta dóibh;
 - (c) cosnófar rúndacht sonraí a stóráiltear, a tharchuirtear nó a phróiseáiltear ar bhealach eile, idir shonraí pearsanta agus sonraí eile, amhail trí shonraí ábhartha a chriptiú agus iad ar fos nó faoi bhealach trí bhíthin sásraí úrscothacha;
 - (d) sláine sonraí a stóráiltear, a tharchuirtear nó a phróiseáiltear ar bhealach eile, idir shonraí pearsanta agus sonraí eile, mar aon le horduithe, cláir agus cumraíocht, cosnófar iad ar aon chineál ionramhála nó modhnaithe nach n-údaráíonn an t-úsáideoir agus déanfar tuairisciú ar an truailliú;
 - (e) ní phróiseálfar ach sonraí pearsanta agus sonraí eile atá leordhóthanach, ábhartha agus teoranta don mhéid is gá i ndáil leis an úsáid dá bhfuil an táirge beartaithe ('laghdú sonraí');
 - (f) cosnófar infhaighteacht feidhmeanna fíor-riachtanacha, lena n-áirítear an athléimneacht in aghaidh ionsaithe diúltaithe seirbhíse agus na hionsaithe sin a mhaolú;
 - (g) laghdófar an tionchar diúltach a bheidh acu féin ar infhaighteacht seirbhísí a sholáthraítear le gairis nó le líonraí eile;
 - (h) déanfar iad a dhearadh, a fhorbairt agus a tháirgeadh chun dromchlaí ionsaithe a theorannú, lena n-áirítear comhéadain sheachtracha;
 - (i) déanfar iad a dhearadh, a fhorbairt agus a tháirgeadh chun an tionchar a bhíonn ag teagmhas a laghdú trí úsáid a bhaint as sásraí agus as teicnící iomchuí chun an saothrú a mhaolú;
 - (j) soláthrófar faisnéis faoin tslándáil tríd an ngníomhaíocht inmheánach ábhartha a thairgeadh agus faireachán a dhéanamh uirthi, lena n-áirítear

an rochtain ar shonraí, ar sheirbhísí agus ar fheidhmeanna agus modhnú sonraí, seirbhísí nó feidhmeanna;

- (k) áiritheofar gur féidir aghaidh a thabhairt ar leochaileachtaí trí bhíthin nuashonruithe slándála lena n-áirítear, i gcás inarb infheidhme, trí bhíthin nuashonraithe uathoibríocha agus trí fhógra a thabhairt d'úsáideoirí faoi na nuashonruithe atá ar fáil.

2. CEANGLAIS MAIDIR LE LÁIMHSEÁIL LEOCHAILEACHTA

Déanfaidh monaróirí na dtáirgí ag a bhfuil eilimintí digiteacha an méid seo a leanas:

- (1) déanfar leochaileachtaí agus comhphárteanna atá sa táirge a shainathint agus a thairgeadh, lena n-áirítear trí bhille bogearraí ábhar a tharraingt suas i bhformáid a úsáidtear go coitianta agus atá meaisín-inléite lena gcumhdaítear spleáchais ardleibhéil an táirge ar a laghad;
- (2) i ndáil leis na rioscaí atá ann do na táirgí ag a bhfuil eilimintí digiteacha, tabharfar aghaidh ar na leochaileachtaí agus leigheasfar iad gan mhoill, lena n-áirítear trí nuashonruithe slándála a sholáthar;
- (3) tástálacha agus athbhreithnithe éifeachtacha a dhéantar go tráthrialta a chur i bhfeidhm maidir le slándáil an táirge ag a bhfuil eilimintí digiteacha;
- (4) a luaithe a chuirfear nuashonrú slándála ar fáil, cuirfear faisnéis ar fáil go poiblí faoi na leochaileachtaí a leigheasadh, lena n-áirítear tuairisc ar na leochaileachtaí, faisnéis lena gcuirtear ar a gcumas d'úsáideoirí an táirge ag a bhfuil eilimintí digiteacha lena mbaineann a shainathint, tionchair na leochaileachtaí, a dhéine atá siad agus faisnéis lena gcabhraítear le húsáideoirí na leochaileachtaí a leigheas;
- (5) cuirfear beartas i bhfeidhm maidir le nochtadh comhordaithe leochaileachtaí agus forfheidhmeofar é;
- (6) déanfar bearta chun comhroinnt faisnéise a éascú faoi leochaileachtaí ina dtáirge ag a bhfuil eilimintí digiteacha agus i gcomhphárteanna tríú páirtí atá sa táirge sin, lena n-áirítear trí sheoladh teagmhála a sholáthar chun na leochaileachtaí a thuairisciú a aimsítear sa táirge ag a bhfuil eilimintí digiteacha;
- (7) déanfar foráil maidir le sásraí chun nuashonruithe a dháileadh go slán le haghaidh táirgí ag a bhfuil eilimintí digiteacha chun a áirithiú go ndeiseofar leochaileachtaí insaothraithe nó go maolófar iad;
- (8) I gcás ina bhfuil paistí slándála nó nuashonruithe ar fáil chun aghaidh a thabhairt ar shaincheisteanna slándála a shainathnítear, áiritheofar go scaipfear iad gan mhoill agus go mbeidh siad saor in aisce agus go mbeidh teachtaireachtaí comhairleacha ag gabháil leo lena soláthrófar faisnéis ábhartha d'úsáideoirí, lena n-áirítear faisnéis faoin gníomhaíocht a d'fhéadfaí a dhéanamh.

IARSCRÍBHINN II

FAISNÉIS AGUS TREORACHA LE Haghaidh AN ÚSÁIDEORA

Beidh na nithe seo a leanas ar a laghad ag gabháil leis an táirge ag a bhfuil eilimintí digiteacha:

1. beidh ainm, trádainm cláraithe nó trádmarc cláraithe an mhonaróra ar an táirge mar aon leis an seoladh poist agus an seoladh ríomhphoist lenar féidir teagmháil a dhéanamh leis an monaróir, nó i gcás nach bhfuil an méid sin indéanta, beidh an fhaisnéis sin ar an bpacáistíocht nó i ndoiciméad a ghabhann leis an táirge;
2. an pointe teagmhála trínar féidir faisnéis faoi leochaileachtaí cibearshlándála an táirge a thuairisciú agus a fháil;
3. sainaitheantas ceart an chineáil, na bairce, an leagain nó na sraithuimhreach nó aon eiliminte eile lenar féidir an táirge a shainaithint agus na treoracha comhfhreagracha agus an fhaisnéis úsáideora;
4. an úsáid atá beartaithe don táirge, lena n-áirítear an timpeallacht slándála arna soláthar ag an monaróir, mar aon le bunfheidhmiúlachtaí an táirge agus faisnéis faoi na hairíonna slándála;
5. aon imthoisc aitheanta nó intuartha, a bhaineann le húsáid an táirge ag a bhfuil eilimintí digiteacha i gcomhréir leis an gcríoch atá beartaithe dó nó faoi dhálaí mí-úsáide atá measartha intuartha, ar imthoisc í a bhféadfadh rioscaí móra cibearshlándála eascairt aisti;
6. an chaoi agus i gcás inarb infheidhme, an áit ar féidir rochtain a fháil ar an mbille bogearraí ábhar;
7. i gcás inarb infheidhme, an seoladh idirlín ag a bhféadfar rochtain a fháil ar an dearbhú comhréireachta AE;
8. an cineál tacaíochta teicniúla slándála a chuireann an monaróir ar fáil agus an tréimhse ina gcuirfidh sé an tacaíocht ar fáil, go dtí ar a laghad an tráth ar féidir le húsáideoirí a bheith ag súil le nuashonruithe slándála a fháil;
9. treoracha mionsonraithe nó seoladh idirlín a thagraíonn do na treoracha mionsonraithe sin agus d'fhaisnéis faoin méid seo a leanas:
 - (a) na bearta is gá a dhéanamh le linn choimisiúnú tosaigh an táirge agus le linn shaolré an táirge chun a úsáid shlán a áirithiú;
 - (b) an chaoi ar féidir le hathruithe ar an táirge difear a dhéanamh don tslándáil sonraí;
 - (c) an chaoi chun nuashonruithe a bhaineann leis an tslándáil a shuiteáil;
 - (d) díchoimisiúnú shlán an táirge, lena n-áirítear faisnéis faoin gcaoi ar féidir sonraí úsáideoirí a bhaint go slán.

IARSCRÍBHINN III

TÁIRGÍ CRITICIÚLA AG A BHFUIL EILIMINTÍ DIGITEACHA

Aicme I

1. Bogearraí córas bainistíochta céannachta agus bogearraí bainistithe rochtana pribhléidithe;
2. Brabhsálaithe neamhspleácha agus brabhsálaithe leabaithe;
3. Bainisteoirí pasfhocal;
4. Bogearraí lena ndéantar bogearraí mailíseacha a chuardach, a bhaint nó a chur ar coraintín;
5. Táirgí ag a bhfuil eilimintí digiteacha a bhfuil feidhm acu mar líonra príobháideach fíorúil (VPN);
6. Córais bainistíochta líonraí;
7. Uirlisí bainistíochta um chumraíocht líonraí;
8. Córais chun faireachán a dhéanamh ar thrácht líonra;
9. Bainistíocht acmhainní líonra;
10. Córais bainistíochta faisnéise slándála agus teagmhas slándála (SIEM);
11. Bainistíocht paistí/nuashonruithe, lena n-áirítear bainisteoirí bútála;
12. Córais bhainistíochta um chumraíocht feidhmchlár;
13. Bogearraí cianrochtana/comhroinnte;
14. Bogearraí bainistíochta gaireas móibíleach;
15. Comhéadain fhisiciúla líonra;
16. Córais oibriúcháin nach gcumhdaítear le haicme II;
17. Ballaí dóiteáin, córais braite ionraidh agus/nó córais choise nach gcumhdaítear le haicme II;
18. Ródairí, móideimí atá beartaithe lena nascadh leis an idirlíon agus lasca, nach gcumhdaítear le haicme II;
19. Micreaphróiseálaithe nach gcumhdaítear le haicme II;
20. Micrearialaitheoirí;
21. Ciorcaid chomhtháite aonfheidhmeacha (ASIC) agus eagair geataí in-ríomhchláraithe sa réimse (FPGA) atá beartaithe lena n-úsáid ag eintitis fhíor-riachtanacha den chineál dá dtagraítear in [Iarscríbhinn I a ghabhann le Treoir XXX/XXXX (NIS2)];
22. Córais Uathoibríthe agus Rialaithe Thionsclaíoch (IACS) nach gcumhdaítear le haicme II, amhail rialaitheoirí loighce in-ríomhchláraithe (PLC), córais rialaithe dháilte (DCS), rialaitheoirí uimhriúla ríomhairithe le haghaidh meaisín-uirlisí (CNC) agus córais rialaithe maoirseachta agus fála sonraí (SCADA);
23. Idirlíon Tionsclaíoch na Rudaí Nithiúla nach gcumhdaítear le haicme II.

Aicme II

1. Córais oibriúcháin le haghaidh freastalaithe, ríomhairí deisce agus gairis mhóibíleacha;
2. Hipearmhaoirseoirí agus córais ama rite coimeádán lena dtacaítear le rith fíorúlaithe córais oibriúcháin agus timpeallachtaí comhchosúla;
3. Príomhbhonneagar poiblí agus eisitheoirí deimhnithe digiteacha;
4. Ballaí dóiteáin, córais braite ionraidh agus/nó córais choisc atá beartaithe le haghaidh úsáid thionsclaíoch;
5. Micreaphróiseálaithe ilchuspóireacha;
6. Micreaphróiseálaithe atá beartaithe lena gcomhtháthú i rialaitheoirí loighce in-ríomhchlárúcháin agus eilimintí slána;
7. Ródairí, móideimí atá beartaithe lena nascadh leis an idirlíon agus lasca, atá beartaithe le haghaidh úsáid thionsclaíoch;
8. Eilimintí slána;
9. Modúil slándála cruu-earraí (HSManna);
10. Cripteaphróiseálaithe slána;
11. Cártaí cliste, léitheoirí cártaí cliste agus ceadchomharthaí;
12. Córais Uathoibríthe agus Rialaithe Thionsclaíoch (IACS) atá beartaithe lena n-úsáid ag eintitis fhíor-riachtanacha den chineál dá dtagraítear in [Iarscríbhinn I a ghabhann le Treoir XXX/XXXX (NIS2)], amháil rialaitheoirí loighce in-ríomhchlárúcháin (PLC), córais rialaithe dháilte (DCS), rialaitheoirí uimhriúla ríomhairithe le haghaidh meaisín-uirlisí (CNC) agus córais rialaithe maoirseachta agus fála sonraí (SCADA);
13. Gairis Idirlíon Tionsclaíoch na Rudaí Nithiúla atá beartaithe lena n-úsáid ag eintitis fhíor-riachtanacha den chineál dá dtagraítear in [Iarscríbhinn I a ghabhann le Treoir XXX/XXXX (NIS2)];
14. Comhpháirteanna braite agus gníomhróra róbait agus rialaitheoirí róbait;
15. Méadair chliste.

IARSCRÍBHINN IV

DEARBHÚ COMHRÉIREACHTA AE

Beidh an fhaisnéis seo a leanas uile sa dearbhú comhréireachta AE dá dtagraítear in Airteagal 20:

1. Ainm agus cineál agus aon fhaisnéis bhreise lena gcumasaítear sainaitheantú uathúil an táirge ag a bhfuil eilimintí digiteacha;
2. Ainm agus seoladh an mhonaróra nó ionadaí údaraithe an mhonaróra sin;
3. Ráiteas gur faoi fhreagracht aonair an tsoláthraí a eisítear an dearbhú comhréireachta AE;
4. Cuspóir an dearbhaithe (sainaitheantas an táirge ar mhaithe le hinrianaitheacht. D'fhéadfadh pictiúr a bheith ann, i gcás inarb iomchuí);
5. Ráiteas go bhfuil cuspóir an dearbhaithe ar a dtugtar tuairisc thuas i gcomhréir le reachtaíocht chomhchuibhithe ábhartha an Aontais;
6. Tagairtí d'aon chaighdeán comhchuibhithe ábhartha eile a úsáidtear nó aon sonraíocht choiteann nó deimhniúchán cibearshlándála eile a ndearbhaítear comhréireacht ina leith;
7. I gcás inarb infheidhme, ainm agus uimhir an chomhlachta faoina dtugtar fógra, tuairisc ar an nós imeachta um measúnú comhréireachta agus sainaitheantú an deimhnithe a eisíodh;
8. Faisnéis breise:

Arna shíniú thar ceann:

(áit agus dáta eisiúna):

(ainm, feidhm) (síniú):

IARSCRÍBHINN V

INNEACHAR NA DOICIMÉADACHTA TEICNIÚLA

Beidh an fhaisnéis seo a leanas dá dtagraítear in Airteagal 23 sa doiciméadacht theicniúil ar a laghad, de réir mar is infheidhme maidir leis an táirge ag a bhfuil eilimintí digiteacha:

1. tuairisc ghinearálta ar an táirge ag a bhfuil eilimintí digiteacha, lena gcuimsítear an méid seo a leanas:
 - (a) an chríoch atá beartaithe dó;
 - (b) leaganacha de bhogearraí a dhéanann difear don chomhlíontacht leis na buncheanglais;
 - (c) i gcás inar táirge crua-earraí é an táirge ag a bhfuil eilimintí digiteacha, grianghraif nó léaráidí a léiríonn na gnéithe seachtracha, an mharcáil agus an leagan amach inmheánach;
 - (d) faisnéis úsáideora agus treoracha mar a leagtar amach in Iarscríbhinn II;
2. tuairisc ar dhearadh, ar fhorbairt agus ar tháirgeadh an táirge agus ar phróisis láimhseála leochaileachtaí, lena n-áirítear an méid seo a leanas:
 - (a) faisnéis iomlán faoi dhearadh agus faoi fhorbairt an táirge ag a bhfuil eilimintí digiteacha, lena n-áirítear i gcás inarb infheidhme, líníochtaí agus scéimeanna agus/nó tuairisc ar ailtireacht an chórais lena mínítear an chaoi a gcuireann na comhpháirteanna bogearraí le chéile nó an tionchar a bhíonn acu ar a chéile agus conas a chomhtháthaítear iad sa phróiseáil fhoriomlán;
 - (b) faisnéis iomlán agus sonraíochtaí maidir leis na próisis láimhseála leochaileachtaí arna gcur i bhfeidhm ag an monaróir, lena n-áirítear an bille bogearraí ábhar, an beartas um nochtadh comhordaithe leochaileachtaí, fianaise ar sheoladh teagmhála a sholáthar chun leochaileachtaí a thuairisciú agus tuairisc ar na réitigh theicniúla a roghnaítear chun nuashonruithe a leithdháileadh go slán;
 - (c) faisnéis iomlán agus sonraíochtaí maidir le próisis táirgthe agus faireacháin le haghaidh an táirge ag a bhfuil eilimintí digiteacha agus maidir le bailíochtú na bpróiseas sin.
3. measúnú ar na rioscaí cibearshlándála ar ina n-aghaidh a dhéantar an táirge ag a bhfuil eilimintí digiteacha a dhearadh, a fhorbairt, a tháirgeadh, a chur ar fáil agus a choinneáil ar bun mar a leagtar síos in Airteagal 10 den Rialachán seo;
4. liosta de na caighdeáin chomhchuibhithe a cuireadh i bhfeidhm ina n-íomláine nó i bpáirt agus ar foilsíodh a dtagairtí in *Iris Oifigiúil an Aontais Eorpaigh*, sonraíochtaí coiteanna mar a leagtar amach in Airteagal 19 den Rialachán seo nó scéimeanna deimhnithe cibearshlándála faoi Rialachán (AE) 2019/881 de bhun Airteagal 18(3) agus, i gcás nár cuireadh na caighdeáin chomhchuibhithe, na sonraíochtaí coiteanna ná na scéimeanna deimhnithe cibearshlándála sin i bhfeidhm, tuairiscí ar na réitigh a glacadh chun na buncheanglais a leagtar amach i Ranna 1 agus 2 d'Iarscríbhinn I a chomhlíonadh, lena n-áirítear liosta de na sonraíochtaí teicniúla ábhartha eile a cuireadh i bhfeidhm. I gcás inar cuireadh na caighdeáin chomhchuibhithe, na

sonraíochtaí coiteanna nó na deimhnithe cibearshlándála i bhfeidhm i bpáirt, sonrú sa doiciméadacht theicniúil na codanna díobh a cuireadh i bhfeidhm;

5. tuairisc ar na tástálacha a rinneadh chun a fhíorú go gcomhlíonann an táirge agus na próisis láimhseála leochaileachtaí na buncheanglais is infheidhme mar a leagtar amach i Ranna 1 agus 2 d'Iarscríbhinn I;
6. cóip den dearbhú comhréireachta AE;
7. i gcás inarb infheidhme, an bille bogearraí ábhar mar a shainmhínítear in Airteagal 3, pointe (36), i ndiaidh iarraidh réasúnaithe ó údarás faireachais margaidh ar choinníoll go bhfuil gá leis chun go mbeidh an t-údarás sin in ann comhlíontacht leis na buncheanglais a leagtar amach in Iarscríbhinn I a sheiceáil.

IARSCRÍBHINN VI

NÓSANNA IMEACHTA UM MEASÚNÚ COMHRÉIREACHTA

Nós imeachta um measúnú comhréireachta bunaithe ar an rialú inmheánach (bunaithe ar Mhodúl A)

1. Is é atá sa rialú inmheánach an nós imeachta um measúnú comhréireachta lena gcomhlíonann an monaróir na hoibleagáidí a leagtar síos i bpointí 2, 3 agus 4 agus lena n-áirithíonn sé agus lena ndearbhaíonn sé ar a fhreagracht aonair go gcomhlíonann na táirgí ag a bhfuil eilimintí digiteacha na buncheanglais uile a leagtar amach i Roinn 1 d'Iarscríbhinn I agus go gcomhlíonann an monaróir na buncheanglais a leagtar amach i Roinn 2 d'Iarscríbhinn I.
2. Tarraingeoidh an monaróir suas an doiciméadacht theicniúil a dtugtar tuairisc uirthi in Iarscríbhinn V.
3. Dearadh, forbairt, táirgeadh agus láimhseáil leochaileachtaí táirgí ag a bhfuil eilimintí digiteacha

Déanfaidh an monaróir gach beart is gá chun go n-áiritheofar leis na próisis dheartha, forbartha, táirgthe agus láimhseála leochaileachtaí agus leis an bhfaireachán a dhéantar ar na próisis sin go gcomhlíonann na táirgí monaraithe nó forbartha ag a bhfuil eilimintí digiteacha agus na próisis a chuireann an monaróir i bhfeidhm, go gcomhlíonann siad na buncheanglais a leagtar amach i Roinn 1 agus 2 d'Iarscríbhinn I.
4. Marcáil chomhréireachta agus dearbhú comhréireachta
 - 4.1. Greamóidh an monaróir marcáil CE de gach táirge aonair ag a bhfuil eilimintí digiteacha agus a chomhlíonann ceanglais infheidhme an Rialacháin seo.
 - 4.2. Tarraingeoidh an monaróir suas dearbhú comhréireachta AE i scríbhinn le haghaidh gach táirge ag a bhfuil eilimintí digiteacha i gcomhréir le hAirteagal 20 agus coinneoidh sé in éineacht leis an doiciméadacht theicniúil é agus cuirfidh sé ar fáil do na húdaráis náisiúnta é go ceann 10 mbliana tar éis an táirge ag a bhfuil eilimintí digiteacha a chur ar an margadh. Leis an dearbhú comhréireachta AE, sainaitheofar an táirge ag a bhfuil eilimintí digiteacha ar tarraingíodh an dearbhú comhréireachta suas ina leith. Déanfar cóip den dearbhú comhréireachta AE sin a chur ar fáil do na húdaráis ábhartha arna iarraidh sin.
5. Ionadaithe údaraithe

Féadfaidh an t-ionadaí údaraithe oibleagáidí an mhonaróra, a leagtar amach i bpointe 4, a chomhlíonadh thar ceann an mhonaróra agus faoina fhreagracht, ar choinníoll go sonraítear sa sainordú iad.

Cineálscrúdú AE (bunaithe ar Mhodúl B)

1. Is cuid de nós imeachta um measúnú comhréireachta é an cineálscrúdú AE lena ndéanann comhlacht faoina dtugtar fógra scrúdú ar dhearadh teicniúil agus ar fhorbairt an táirge agus ar na próisis bainistíochta leochaileachtaí a chuireann an

monaróir i bhfeidhm, agus lena bhfianáíonn sé go gcomhlíonann táirge ag a bhfuil eilimintí digiteacha na buncheanglais a leagtar amach i Roinn 1 d'Iarscríbhinn I agus go gcomhlíonann an monaróir na buncheanglais a leagtar amach i Roinn 2 d'Iarscríbhinn I.

- Déanfar cineálscrúdú AE trí mheasúnú a dhéanamh ar leordhóthanacht dhearadh teicniúil an táirge agus fhorbairt an táirge trí bhíthin scrúdú ar an doiciméadacht theicniúil agus ar an bhfianaise thacaíochta dá dtagraítear i bpointe 3, móide scrúdú ar eiseamail de chuid chriticiúil amháin den táirge nó níos mó ná sin (meascán den chineál táirge agus den chineál deartha).
2. Cuirfidh an monaróir iarratas ar chineálscrúdú AE faoi bhráid comhlacht amháin dá rogha féin faoina dtugtar fógra.

Beidh na nithe seo a leanas san iarratas:

- ainm agus seoladh an mhonaróra agus, más é an t-ionadaí údaraithe a chuireann an t-iarratas isteach, ainm agus seoladh an ionadaí údaraithe sin freisin;
 - dearbhú scríofa nár cuireadh an t-iarratas céanna faoi bhráid aon chomhlachta eile faoina dtugtar fógra;
 - an doiciméadacht theicniúil, lena mbeifear in ann measúnú a dhéanamh ar chomhlíontacht an táirge leis na buncheanglais is infheidhme mar a leagtar amach i Roinn 1 d'Iarscríbhinn I agus ar phróisis láimhseála leochaileachtaí an mhonaróra a leagtar amach i Roinn 2 d'Iarscríbhinn I, agus cuimseofar san iarratas freisin anailís agus measúnú leormhaith ar na rioscaí. Sonrófar sa doiciméadacht theicniúil na ceanglais is infheidhme agus cumhdófar inti, a mhéid is ábhartha don mheasúnú, dearadh, monarú agus oibriú an táirge. Beidh sa doiciméadacht theicniúil, i gcás inarb infheidhme, na heilimintí a leagtar amach in Iarscríbhinn V ar a laghad;
 - an fhianaise thacaíochta le haghaidh leordhóthanacht na réiteach teicniúil deartha agus forbartha agus na bpróiseas láimhseála leochaileachtaí. Luafar san fhianaise thacaíochta sin aon doiciméad a úsáideadh, go háirithe i gcás nár cuireadh na caighdeáin chomhchuibhithe ábhartha agus/nó na sonraíochtaí teicniúla i bhfeidhm ina n-iomláine. Áireofar san fhianaise thacaíochta, i gcás inar gá, torthaí na dtástálacha a rinne saotharlann iomchuí an mhonaróra, nó saotharlann tástála eile thar a cheann agus faoina fhreagracht.
3. Déanfaidh an comhlacht faoina dtugtar fógra an méid seo a leanas:
- 3.1. déanfaidh sé scrúdú ar an doiciméadacht theicniúil agus ar an bhfianaise thacaíochta chun measúnú a dhéanamh ar chomhlíontacht dhearadh agus fhorbairt theicniúil an táirge leis na buncheanglais a leagtar amach i Roinn 1 d'Iarscríbhinn I agus ar chomhlíontacht na bpróiseas láimhseála leochaileachtaí a chuireann an monaróir i bhfeidhm leis na buncheanglais a leagtar amach i Roinn 2 d'Iarscríbhinn I;
- 3.2. fíoróidh sé gur forbraíodh nó gur monaraíodh na heiseamail i gcomhréir leis an doiciméadacht theicniúil, agus sainaitheoidh sé na heilimintí a dearadh agus a forbraíodh i gcomhréir leis na forálacha is infheidhme de na caighdeáin chomhchuibhithe ábhartha agus/nó de na sonraíochtaí teicniúla, mar aon leis na heilimintí a dearadh agus a forbraíodh gan forálacha ábhartha na gcaighdeán sin a chur i bhfeidhm;

- 3.3. déanfaidh sé scrúduithe agus tástálacha iomchuí nó cuirfidh sé á ndéanamh iad, chun a sheiceáil, i gcás inar roghnaigh an monaróir na réitigh atá sna caighdeáin chomhchuibhithe ábhartha agus/nó sna sonraíochtaí teicniúla a leagtar amach in Iarscríbhinn I a chur i bhfeidhm, ar cuireadh i bhfeidhm i gceart iad;
- 3.4. déanfaidh sé scrúduithe agus tástálacha iomchuí nó cuirfidh sé á ndéanamh iad, chun a sheiceáil, i gcás nár cuireadh i bhfeidhm na réitigh atá sna caighdeáin chomhchuibhithe ábhartha agus/nó sna sonraíochtaí teicniúla a leagtar amach in Iarscríbhinn I, an gcomhlíonann na réitigh a ghlac an monaróir na buncheanglais chomhfhreagracha;
- 3.5. comhaontóidh sé leis an monaróir an suíomh ar a ndéanfar na scrúduithe agus na tástálacha .
4. An comhlacht faoina dtugtar fógra, tarraingeoidh sé suas tuarascáil mheastóireachta ina gclárófar na gníomhaíochtaí a dhéantar i gcomhréir le pointe 4 maille lena dtoradh. Gan dochar dá oibleagáidí i leith na n-údarás a thugann fógra, ní scaoilfidh an comhlacht faoina dtugtar fógra ábhar na tuarascála sin, ina iomláine nó i bpáirt, ach tar éis comhaontú a fháil ón monaróir.
5. I gcás ina gcomhlíonfaidh an cineál agus na próisis láimhseála leochaileachtaí na buncheanglais a leagtar amach in Iarscríbhinn I, eiseoidh an comhlacht faoina dtugtar fógra deimhniú ar chineálscrúdú AE chuig an monaróir. Ar an deimhniú sin beidh ainm agus seoladh an mhonaróra, conclúidí an scrúdaithe, na coinníollacha bailíochta (más ann dóibh) agus na sonraí is gá chun an cineál formheasta agus na próisis láimhseála leochaileachtaí a shainaithint. Féadfaidh iarscríbhinn amháin nó níos mó ná sin a bheith ag gabháil leis an deimhniú.

Sa deimhniú agus sna hiarscríbhinní a ghabhann leis, beidh an fhaisnéis ábhartha uile chun gur féidir meastóireacht a dhéanamh ar chomhlíontacht na dtáirgí monaraithe nó forbartha leis an gcineál a scrúdaíodh agus ar na próisis láimhseála leochaileachtaí agus chun gur féidir rialú inseirbhíse a dhéanamh.

I gcás nach gcomhlíonann an cineál ná na próisis láimhseála leochaileachta na buncheanglais is infheidhme a leagtar amach in Iarscríbhinn I, diúltóidh an comhlacht faoina dtugtar fógra deimhniú ar chineálscrúdú AE a eisiúint agus cuirfidh sé é sin in iúl don iarratasóir, agus tabharfaidh sé cúiseanna mionsonraithe lena dhiúltú.

6. Coinneoidh an comhlacht faoina dtugtar fógra é féin ar an eolas faoi aon athrú ar staid na teicníochta lena nglactar go ginearálta, athruithe a chiallaíonn go bhféadfadh sé nach gcomhlíonann an cineál formheasta agus na próisis láimhseála leochaileachtaí na buncheanglais is infheidhme a leagtar amach in Iarscríbhinn I a ghabhann leis an Rialacháin seo a thuilleadh, agus cinnfidh sé an gá imscrúdú breise a dhéanamh de bharr na n-athruithe sin. Más gá, cuirfidh an comhlacht faoina dtugtar fógra an monaróir ar an eolas dá réir.

Na modhnuithe uile ar an gcineál formheasta agus ar na próisis láimhseála leochaileachtaí a d'fhéadfadh difear a dhéanamh don chomhréireacht leis na buncheanglais a leagtar amach in Iarscríbhinn I nó do choinníollacha bailíochta an deimhnithe, cuirfean an monaróir na modhnuithe sin in iúl don chomhlacht faoina dtugtar fógra ag a bhfuil an doiciméadacht theicniúil a bhaineann leis an deimhniú ar chineálscrúdú AE. Le modhnuithe den sórt sin, éileofar formheas breise i bhfoirm bhreise a chuirtear leis an mbundeimhniú ar chineálscrúdú AE.

7. Gach comhlacht faoina dtugtar fógra, déanfaidh sé an t-údarás a thugann fógra a chur ar an eolas maidir le deimhnithe ar chineálscrúdú AE agus/nó maidir le breiseanna leo a d'eisigh sé nó a tharraing sé siar, agus cuirfidh sé liosta de dheimhnithe agus/nó d'aon bhreis a diúltaíodh, a cuireadh ar fionraí nó a teorannaíodh ar bhealach eile ar fáil don údarás a thugann fógra ar bhonn tréimhsiúil nó arna iarraidh sin dó.

Gach comhlacht faoina dtugtar fógra, cuirfidh sé na comhlachtaí eile sin faoina dtugtar fógra ar an eolas maidir le deimhnithe ar chineálscrúdú AE agus/nó maidir le haon bhreis a dhiúltaigh sé nó a tharraing sé siar, a chuir sé ar fionraí nó ar chuir sé srian uirthi ar bhealach eile agus, arna iarraidh sin air, maidir le deimhnithe agus/nó breiseanna a d'eisigh sé.

Féadfaidh an Coimisiún, na Ballstáit agus na comhlachtaí eile faoina dtugtar fógra cóip a fháil de na deimhnithe ar chineálscrúdú AE agus/nó de bhreiseanna a ghabhann leo arna iarraidh sin dóibh. Arna iarraidh sin, féadfaidh an Coimisiún agus na Ballstáit cóip a fháil den doiciméadacht theicniúil agus de thorthaí na scrúduithe a rinne an comhlacht faoina dtugtar fógra. An comhlacht faoina dtugtar fógra, coinneoidh sé cóip den deimhniú ar chineálscrúdú AE, de na hiarscríbhinní agus de na breiseanna a ghabhann leis, agus den chomhad teicniúil lena n-áirítear an doiciméadacht a chuir an monaróir isteach, go dtí go rachaidh bailíocht an deimhniithe sin in éag.
8. Maidir le deimhniú ar chineálscrúdú AE, na hiarscríbhinní agus na breiseanna a ghabhann leis, chomh maith leis an doiciméadacht theicniúil, cuirfidh an monaróir cóip díobh ar fáil do na húdaráis náisiúnta go ceann 10 mbliana tar éis an táirge a chur ar an margadh.
9. Féadfaidh ionadaí údaraithe an mhonaróra an t-iarratas dá dtagraítear i bpointe 3 a chur isteach agus na hoibleagáidí a leagtar amach i bpointe 7 agus i bpointe 9 a chomhlíonadh, ar choinníoll go sonraítear sa sainordú iad.

Cineálchomhréireacht bunaithe ar an rialú inmheánach ar an táirgeadh (bunaithe ar Mhodúl C)

1. Is éard atá sa chineálchomhréireacht bunaithe ar an rialú inmheánach ar an táirgeadh an chuid de nós imeachta um measúnú comhréireachta lena gcomhlíonann an monaróir na hoibleagáidí a leagtar síos i bpointe 2 agus 3, agus lena n-áiríthíonn sé agus lena ndearbhaíonn sé go bhfuil na táirgí lena mbaineann i gcomhréir leis an gcineál a dtugtar tuairisc air sa deimhniú ar chineálscrúdú AE agus go gcomhlíonann siad na buncheanglais a leagtar amach i Roinn 1 d'Iarscríbhinn I.
2. Táirgeadh
 - 2.1. Déanfaidh an monaróir na bearta uile is gá chun go n-áiritheofar leis an táirgeadh agus leis an bhfaireachán a dhéantar ar an táirgeadh go bhfuil na táirgí monaraithe i gcomhréir leis an gcineál formheasta a dtugtar tuairisc air sa deimhniú ar chineálscrúdú AE agus leis na buncheanglais a leagtar amach i Roinn 1 d'Iarscríbhinn I.
3. Marcáil chomhréireachta agus dearbhú comhréireachta
 - 3.1. Greamóidh an monaróir an mharcáil CE ar gach táirge aonair atá i gcomhréir leis an gcineál a dtugtar tuairisc air sa deimhniú ar chineálscrúdú AE agus a chomhlíonann ceanglais infheidhme na hionstraime reachtaí.

- 3.2. Tarraingeoidh an monaróir suas dearbhú comhréireachta AE i scríbhinn do mhúnla táirge agus cuirfidh sé ar fáil do na húdaráis náisiúnta é go ceann 10 mbliana tar éis an táirge a chur ar an margadh. Leis an dearbhú comhréireachta, sainaitheofar an múnla táirge ar tarraingíodh suas an dearbhú ina leith. Cuirfear cóip den dearbhú comhréireachta ar fáil do na húdaráis ábhartha arna iarraidh sin.
4. Ionadaí údaraithe
- Féadfaidh ionadaí údaraithe an mhonaróra na hoibleagáidí ar an monaróir a leagtar amach i bpointe 3, a chomhlíonadh thar ceann an mhonaróra agus faoina fhreagracht, ar choinníoll go sonraítear sa sainordú iad.

Comhréireacht bunaithe ar dhearbhú iomlán cáilíochta (bunaithe ar Mhodúl H)

1. Is é atá sa chomhlíontacht a bhunaítear ar dhearbhú iomlán cáilíochta an nós imeachta um measúnú comhréireachta lena gcomhlíonann an monaróir na hoibleagáidí a leagtar síos i bpointí 2 agus 5 agus lena n-áiríonn sé agus lena ndearbhaíonn sé ar a fhreagracht aonair go gcomhlíonann na táirgí (nó na catagóirí táirgí) lena mbaineann na buncheanglais a leagtar amach i Roinn 1 d'Iarscríbhinn I agus go gcomhlíonann na próisis láimhseála leochaileachtaí a chuireann an monaróir i bhfeidhm na buncheanglais a leagtar amach i Roinn 2 d'Iarscríbhinn I.
2. Dearadh, forbairt, táirgeadh agus láimhseáil leochaileachtaí táirgí ag a bhfuil eilimintí digiteacha
- Oibreoidh an monaróir córas formheasta cáilíochta mar a shonraítear i bpointe 3 chun na táirgí lena mbaineann a dhearadh, a fhorbairt agus a tháirgeadh agus chun leochaileachtaí a láimhseáil, coinneoidh sé a éifeachtacht ar bun ar feadh shaolré na dtáirgí lena mbaineann agus beidh sé faoi réir faireachais mar a shonraítear i bpointe 4.
3. Córas cáilíochta
- 3.1. Cuirfidh an monaróir iarratas ar mheasúnú ar a chóras cáilíochta faoi bhráid a rogha comhlachta faoina dtugtar fógra, le haghaidh na dtáirgí lena mbaineann.
- Beidh na nithe seo a leanas san iarratas:
- ainm agus seoladh an mhonaróra agus, más é an t-ionadaí údaraithe a chuireann an t-iarratas isteach, ainm agus seoladh an ionadaí údaraithe sin freisin;
 - an doiciméadacht theicniúil maidir le múnla amháin de gach catagóir táirgí a bhfuil sé beartaithe iad a mhonarú nó a fhorbairt. Beidh sa doiciméadacht theicniúil, i gcás inarb infheidhme, na heilimintí a leagtar amach in Iarscríbhinn V ar a laghad;
 - an doiciméadacht a bhaineann leis an gcóras cáilíochta; agus
 - dearbhú i scríbhinn nár cuireadh an t-iarratas céanna faoi bhráid aon chomhlachta eile faoina dtugtar fógra.
- 3.2. Leis an gcóras cáilíochta, áirítheofar go gcomhlíonann na táirgí na buncheanglais a leagtar amach i gCuid 1 d'Iarscríbhinn I agus go gcomhlíonann na próisis láimhseála leochaileachtaí a chuireann an monaróir i bhfeidhm na ceanglais a leagtar amach i Roinn 2 d'Iarscríbhinn I.

Déanfar na heilimintí, na ceanglais agus na forálacha uile a ghlacann an monaróir a dhoiciméadú ar bhealach córasach eagraithe i bhfoirm beartas, nósanna imeachta agus treoracha scríofa. Leis an doiciméadacht sin maidir leis an gcóras cáilíochta, beifear in ann léirléamh comhsheasmhach a dhéanamh ar na cláir, na pleananna, na lámhleabhair agus na taifid cháilíochta.

Sa doiciméadacht sin, beidh tuairisc leormhaith ar na nithe seo a leanas go háirithe:

- na cuspóirí cáilíochta agus an struchtúr eagraíochtúil, freagrachtaí agus cumhachtaí na bainistíochta ó thaobh deartha, forbartha agus cháilíocht an táirge de agus ó thaobh na láimhseála leochaileachtaí de;
- na sonraíochtaí maidir leis an dearadh agus leis an bhforbairt theicniúil, lena n-áirítear na caighdeáin, a chuirfear i bhfeidhm agus, i gcás nach gcuirfear na caighdeáin chomhchuibhithe ábhartha agus/nó na sonraíochtaí teicniúla i bhfeidhm ina n-iomláine, an modh a úsáidfear chun a áirithiú go gcomhlíonfar na buncheanglais a leagtar amach i Roinn 1 d'Iarscríbhinn I a bhfuil feidhm acu maidir leis na táirgí;
- na sonraíochtaí nós imeachta, lena n-áirítear na caighdeáin, a chuirfear i bhfeidhm agus, i gcás nach gcuirfear na caighdeáin chomhchuibhithe ábhartha agus/nó na sonraíochtaí teicniúla i bhfeidhm ina n-iomláine, an modh a úsáidfear chun a áirithiú go gcomhlíonfar na buncheanglais a leagtar amach i Roinn 2 d'Iarscríbhinn I a bhfuil feidhm acu maidir leis an monaróir;
- an rialú deartha agus forbartha, mar aon leis na teicnící fíorúcháin, na próisis agus na gníomhaíochtaí córasacha deartha agus forbartha a úsáidfear nuair a bheidh na táirgí a bhaineann leis an gcatagóir a chumhdaítear á ndearadh agus á bhforbairt;
- na teicnící, na próisis agus na gníomhaíochtaí córasacha comhfhreagracha a úsáidfear maidir leis an táirgeadh, an rialú cáilíochta agus an dearbhú cáilíochta;
- na scrúduithe agus na tástálacha a dhéanfar roimh an táirgeadh, lena linn agus ina dhiaidh, agus tuairisc ar a mhíne a dhéanfar iad;
- na taifid cháilíochta, amhail tuarascálacha cigireachta agus sonraí tástála, sonraí calabrúcháin, tuarascálacha maidir le cáilíocht an phearsanra lena mbaineann, etc;
- na modhanna chun faireachán a dhéanamh ar ghnóthú na cáilíochta deartha agus táirge is gá agus ar oibriú éifeachtach an chórais cáilíochta.

3.3. Déanfaidh an comhlacht faoina dtugtar fógra measúnú ar an gcóras cáilíochta chun a chinneadh an gcomhlíonann sé na ceanglais dá dtagraítear i bpointe 3.2.

Toimhdeofar comhréireacht leis na ceanglais sin i leith na ngnéithe den chóras cáilíochta a chomhlíonann sonraíochtaí comhfhreagracha an chaighdeáin náisiúnta lena gcuirtear an caighdeán comhchuibhithe ábhartha agus/nó an tsonraíocht theicniúil i bhfeidhm.

Chomh maith leis an taithí ar chórais bainistíochta cáilíochta, beidh ar an bhfoireann iniúcháireachta ball amháin ar a laghad ag a bhfuil taithí mar mheasúnóir i réimse an táirge ábhartha agus i dteicneolaíocht an táirge lena mbaineann, agus ag a mbeidh eolas ar cheanglais infheidhme an Rialacháin seo. Mar chuid den iniúchadh,

tabharfar cuairt ar áitreabh an mhonaróra chun measúnú a dhéanamh, i gcás inarb ann d'áitreabh den sórt sin. Athbhreithneoidh an fhoireann iniúchóireachta an doiciméadacht theicniúil dá dtagraítear i bpointe 3.1, an dara fleasc chun cumas an mhonaróra a fhíorú i dtaca le ceanglais infheidhme an Rialacháin seo a shainaithe, agus na scrúduithe is gá a dhéanamh d'fhonn a áirithiú go gcomhlíonfaidh an táirge na ceanglais sin.

Cuirfear an cinneadh in iúl don mhonaróir nó dá ionadaí údaraithe.

Beidh conclúidí an iniúchta agus an cinneadh réasúnaithe maidir leis an measúnú san fhógra.

- 3.4. Geallfaidh an monaróir go gcomhlíonfaidh sé na hoibleagáidí a eascróidh ón gcóras cáilíochta mar atá formheasta agus go gcoinneoidh sé ar bun é ionas go mbeidh sé leormhaith agus éifeachtúil i gcónaí.
- 3.5. An comhlacht faoina dtugtar fógra, comhlacht a rinne an córas cáilíochta a fhorghnó, coinneoidh an monaróir ar an eolas é maidir le haon athrú atá beartaithe ar an gcóras cáilíochta.

Déanfaidh an comhlacht faoina dtugtar fógra meastóireacht ar aon athrú atá beartaithe agus cinnfidh sé an leanfaidh an córas cáilíochta modhnaithe de na ceanglais dá dtagraítear i bpointe 3.2 a chomhlíonadh nó an gá athmheasúnú a dhéanamh.

Tabharfaidh sé fógra don mhonaróir faoina chinneadh. Beidh conclúidí an scrúdaithe agus an cinneadh measúnaithe réasúnaithe san fhógra sin.

4. Faireachas faoi chúram an chomhlachta faoina dtugtar fógra
 - 4.1. Is é is aidhm don faireachas a áirithiú go gcomhlíonann an monaróir go cuí na hoibleagáidí a eascraíonn ón gcóras cáilíochta formheasta.
 - 4.2. Chun críocha measúnaithe, tabharfaidh an monaróir rochtain ar na láithreáin deartha, forbartha, táirgthe, chigireachta, tástála agus stórála don chomhlacht faoina dtugtar fógra agus tabharfaidh sé an fhaisnéis uile is gá dó, go háirithe an méid seo a leanas:
 - an doiciméadacht a bhaineann leis an gcóras cáilíochta;
 - na taifid cháilíochta dá bhforáiltear sa chuid den chóras cáilíochta a bhaineann le dearadh, amhail torthaí anailísí, ríomhanna, tástálacha, etc.;
 - na taifid cháilíochta dá bhforáiltear sa chuid den chóras cáilíochta a bhaineann le monaraíocht, amhail tuarascálacha iniúchtaí agus sonraí tástála, sonraí calabrúcháin, tuarascálacha maidir le cáilíocht an phearsanra lena mbaineann, etc.
 - 4.3. Déanfaidh an comhlacht faoina dtugtar fógra iniúchtaí tréimhsiúla chun a áirithiú go gcoinneoidh an monaróir an córas cáilíochta ar bun agus go gcuirfidh sé i bhfeidhm é agus tabharfaidh sé tuairisc ar an iniúchadh don mhonaróir.
5. Marcáil chomhréireachta agus dearbhú comhréireachta
 - 5.1. Greamóidh an monaróir an mharcáil CE agus, faoi fhreagracht an chomhlachta faoina dtugtar fógra dá dtagraítear i mír 3.1, uimhir aitheantais an chomhlachta faoina dtugtar fógra, de gach táirge aonair a chomhlíonann na ceanglais a leagtar amach i Roinn 1 d'Iarscríbhinn I den Rialachán seo.
 - 5.2. Tarraingeoidh an monaróir suas dearbhú comhréireachta i scríbhinn do gach múnla táirge agus cuirfidh sé ar fáil do na húdaráis náisiúnta é go ceann 10 mbliana tar éis

an táirge a chur ar an margadh. Leis an dearbhú comhréireachta, sainithneofar an múnla táirge ar tarraingíodh suas an dearbhú ina leith.

Cuirfear cóip den dearbhú comhréireachta ar fáil do na húdaráis ábhartha arna iarraidh sin.

6. Go ceann 10 mbliana ar a laghad tar éis an táirge a chur ar an margadh, cuirfidh an monaróir na nithe seo a leanas ar fáil do na húdaráis náisiúnta:

- an doiciméadacht theicniúil dá dtagraítear i bpointe 3.1;
- an doiciméadacht a bhaineann leis an gcóras cáilíochta dá dtagraítear i bpointe 3.1;
- an t-athrú dá dtagraítear i bpointe 3.5, mar a formheasadh;
- cinntí agus tuarascálacha an chomhlachta faoina dtugtar fógra dá dtagraítear i bpointí 3.5, 4.3 agus 4.4.

7. Gach comhlacht faoina dtugtar fógra, cuirfidh sé na húdaráis a thugann fógra ar an eolas faoi fhormheasanna córais cáilíochta a eisíodh nó a tarraingíodh siar, agus cuirfidh sé ar fáil do na húdaráis a thugann fógra, ar bhonn tréimhsiúil nó arna iarraidh sin, liosta de na formheasanna córais cáilíochta a diúltaíodh, a cuireadh ar fionraí nó ar cuireadh srian leo ar shlí eile.

Gach comhlacht faoina dtugtar fógra, déanfaidh sé na comhlachtaí eile faoina dtugtar fógra a chur ar an eolas faoi fhormheasanna córais cáilíochta a dhiúltaigh sé, a chuir sé ar fionraí, a tharraing sé siar, agus arna iarraidh sin dó, cuirfidh sé ar an eolas iad faoi fhormheasanna córais cáilíochta a d'eisigh sé.

8. Ionadaí údaraithe

Féadfaidh ionadaí údaraithe an mhonaróra na hoibleagáidí ar an monaróir a leagtar amach i bpointí 3.1, 3.5, 5 agus 6, a chomhlíonadh thar ceann agus faoi fhreagracht an mhonaróra, ar choinníoll go sonraítear sa sainordú iad.